



PROJEKAT
**PODRŠKA
GRAĐANIMA
U BORBI
PROTIV
KORUPCIJE**



**ZA POVLAŠTENE MILIONI,
ZA DINU O KMI!**

Zbog NETRANSARENTNE
DODJELE SREDSTAVA,
nema podrška za sve
organizacije u Brčko distriktu!




USAID
U Sjedinjenim Državama



**TRANSPARENCY
INTERNATIONAL**
BEOGRAD, BEOGRAD






Projekat „Podrška građanima u borbi protiv korupcije (ACFC)“ provode Centri civilnih inicijativa (CCI), kao glavni implementator, te Transparency International BiH (TIBiH) i Centar za razvoj medija i analize (CRMA) kao partneri na projektu, a podržan je od strane Američke agencije za međunarodni razvoj (USAID). Projekat se implementira u periodu septembar 2019 – septembar 2024. godine.

Cilj projekta ACFC je povećati učešće građana u borbi protiv korupcije, te su sve projektne aktivnosti dizajnirane i osmišljene na način da potiču snažan i održiv antikorupcijski aktivizam u cijeloj zemlji, i na svim nivoima. Projekat ACFC ima za svrhu da civilno društvo bude reprezentativno i kredibilno u borbi protiv korupcije.

U okviru projekta realizuju se sljedeće aktivnosti:

- Monitoring i zagovaranje antikorupcijskih legislativa u sljedećim oblastima: sukob interesa, zaštita zviždača, javne nabavke i zloupotreba javnih sredstava u izbornim kampanjama;
 - Uključivanje građana i izgradnja kulture koja odbacuje korupciju
 - Koordinacija i izgradnja kapaciteta uključenih organizacija.
- 

NERETVICA ĆE VJEČNO TEĆI



„Njihovo je da probaju, naše je da ne damo i neće dobiti garantujemo“

Vejsil Hondo, mještanin

Građanska inicijativa „Pusti me da tečem“ iz Konjica poznata je javnosti po svojoj borbi protiv izgradnje 15 mini hidroelektrana na rijeci Neretvici i njenim pritokama, smatrajući da će one, nepovratno, negativno uticati na biljni i životinjski svijet, s naglaskom na zaštićene vrste koje tu žive. A u konačnici i na živote ljudi na tom području.

Cilj građana okupljenih u inicijativu „Pusti me da tečem“ je stavljanje okolišne dozvole, do koje je Elektroprivreda, kao investitor, došla na sumnjiv način, van snage i zaustavljanje procesa izgradnje mHE na rijeci Neretvici.

PUSTI ME DA TEČEM



Nezadovoljni građani organizovali su proteste povodom tematske sjednice o izgradnji mHE na rijeci Neretvici Općinskog vijeća Konjica 10. juna, jer tvrde da nikada nisu dali saglasnost za gradnju nečega takvog, i da je Opština 2007. godine sama donijela odluku da se izgrade mini hidrocentrale na slivu Neretvice. Tim povodom su organizovali performans pod nazivom „Pijaca prirodnih bogatstava Bosne i Hercegovine, kojim su željeli da ukažu kako se izabrani predstavnici vlasti odnose prema prirodnim bogatstvima Bosne i Hercegovine, odnosno kako ih na jeftin način prodaju.

Krajnje, Općinsko Vijeće Konjic je tada imenovalo i komisiju koja će usaglasiti zahtjeve građana s mjesnog područja u vezi izgradnje mHE na slivu rijeke Neretvice, te se preporučuje investitoru (Elektroprivredi BiH), udruženjima

i građanima općine Konjic da ne poduzimaju nikakve radnje koje bi izazvale bilo kakve konflikte ili narušile međuljudske odnose dok komisija ne donese zaključak.

Dok (ne)strpljivo čekaju pravni završetak svoje borbe, te konačnu obustavu izgradnje mini-hidroelektrana na rijeci Neretvici, građani su se samoinicijativno okupili oko ideje uređenja korita ove rijeke za potrebe izgradnje 15 ljetnih kupališta umjesto 15 mHE.



UG Neretvica „Pusti me da tečem“



Konjic



pustimedatecem@gmail.com



www.pustimedatecem.com



buturovicpolje

„Tu sam odgojena, rođena, ja, moji roditelji,
moja djeca. Doljanka je što je dio naših života“

Naza Spahić, mještanka



NE DOZVOLIMO DA NAM UKRADU RIJEKU

Udruženje građana „Za Doljanku“ je sastavljeno od mještana okolnih naselja koji su pokrenuli inicijativu za zaustavljanje radova na izgradnji i puštanja u rad mini hidroelektrane Zlate, na rijeci Doljanki, koja predstavlja prirodno mrijestilište. Prema Zakonu o slatkovodnom ribarstvu na takvim rijekama zabranjena je izgradnja MHE.

Prilikom ishodovanja potrebne dokumentacije za izgradnju MHE Zlate prekršen je cijeli niz propisa čime je lokalna vlast pogodovala investitoru. Firma „Eko Vat“ d.o.o pokrenula je izgradnju mini hidroelektrane na rijeci Doljanki, te iako time dolazi do ozbiljnog narušavanja životne sredine, nadležne institucije izdale su sve potrebne dozvole da se radovi nastave.

Kada su pokrenute inicijative građana za zaustavljanje izgradnje MHE, potaknuti činjenicom da zbor građana nije pitan za mišljenje prilikom ishodovanja suglasnosti za izdavanje okolišne dozvole, te da izmjenom prostornog plana postoje sumnje u pogodovanju investitoru, Općinsko vijeće Jablanice donijelo je Odluku kojom izbacuju obavezu da građani moraju biti konsultovani u ovakvim procesima.

Organizovani građani svoju borbu nastavili su pred sudovima, gdje su podnijeli više krivičnih prijava, jer je njihov trenutni cilj zaustaviti izdavanje upotrebne dozvole za rad mini hidroelektrane Zlate, dok se ne završe pokrenuti sudski postupci.



Udruženje građana „Za Doljanku“



Jablanica



info@doljanka.ba



www.doljanka.ba



Građani sa područja Doboja su organizovali jednu, dok su građani iz Modriče, Vukosavlja i Šamca organizovali drugu grupu građana sa ciljem da se bore protiv nelegalne eksploatacije šljunka iz rijeke Bosne, jer neadekvatna kontrola eksploatacije riječnog šljunka direktno ugrožava preko 100.000 stanovnika ovog područja.

Cilj inicijative je stvoriti efikasan pravni i sistemski okvir koji će onemogućiti eksploataciju šljunka bez dozvole ili iznad limita izdate dozvole, čime će se obezbijediti uređenje korita rijeke Bosne i efikasnija zaštita građana od mogućih poplava.

Nečišćenje korita rijeka od nekomercijalnog materijala i mulja i nekontrolisana eksploatacija šljunka su glavni uzroci i katastrofalnih poplava 2014. godine. U ovim poplavama život u BiH su izgubila 22 osobe, od čega je više od polovine iz ove četiri opštine (14 žrtava). Dodatno, nekontrolisana eksploatacija šljunka utiče na gubitke desetina miliona KM prihoda u entitetskom i lokalnim budžetima, ugrožava životnu sredinu, devastira riblji fond, poljoprivredno zemljište i druge prirodne resurse. A neuspjeh u iskorjenjivanju ovog problema, ukazuje na ozbiljnu sistemsku korupciju.




NEUREĐENA EKSPLOATACIJA ŠJUNKA = POPLAVE



„Od 2014. godine možemo reći da smo svi mi, građani Doboja, u strahu od svake jače padavine, jer one na neki način mogu da izazovu poplavu“

Zoran Panić, građanin Doboja.



-  Neformalna grupa građana "Za legalnu eksploataciju minerala iz korita rijeke Bosne"
-  Dboj, Šamac, Modriča, Vukosavlje
-  Eksploatacija minerala iz korita rijeke Bosne



„Ovdje se igraju naša djeca, Uborak je problem svih nas“

Građani koji stoje iza inicijative „Jer nas se tiče“, čine stanovnici Mostara i okolnih mjesta koji pokreću proteste, peticije, zahtjeve i sudske sporove protiv nadležnih institucija, jer nastoje dugoročno osigurati zatvaranje deponije Uborak i njenu sanaciju, te donošenje odluke o određivanju nove lokacije za regionalnu deponiju i usvajanje i poštovanje propisa koji će spriječiti njen štetan uticaj na okolinu i zdravlje stanovništva.

Deponija Uborak, koja se nalazi desetak kilometara od Mostara, prema tvrdnjama građana, šteti zdravlju stanovnika okolnih naselja, ali i cijele regije Hercegovačko-neretvanskog kantona. Od septembra 2019. godine je istekla i okolišna dozvola za ovu deponiju, no, iako nije izdata nova dozvola od strane federalnog ministarstva, odlaganje otpada je nastavljeno. Novi rok za izdavanje okolišne dozvole je istekao početkom decembra prošle godine, od kada deponija radi nelegalno.

Povodom godišnjice početka borbe, građani su organizovali protest u Mostaru te su poslali na adrese Gradske uprave Mostara, Federalnog ministarstva okoliša, premijera FBiH te Federalnog inspektorata za urbanizam i okoliš pakete s flaširanom vodom iz potoka Sušica za koju nadležne institucije tvrde da je tehnološki ispravna, dok je prema uvjerenju tog udruženja, ta tvrdnja zasnovana na sumnjivim nalazima naručenih analiza.

Za svoj angažman u borbi za ljudska prava, ova građanska inicijativa je dobila nagradu frankofonih zemalja Most za budućnost.



Građanska inicijativa „Jer nas se tiče“



Mostar



jernassetice@gmail.com



[@jernasseticemostar](https://www.facebook.com/jernasseticemostar)



JAVNI POZIV ZA PROJEKTE VOĐENJA GRAĐANSKIH INICIJATIVA I KAMPANJA U OBLASTI BORBE PROTIV KORUPCIJE

KONTINUIRANI JAVNI POZIV ZA PROJEKTE VOĐENJA GRAĐANSKIH INICIJATIVA I KAMPANJA U OBLASTI BORBE PROTIV KORUPCIJE

Poziv OCD (udruženjima građana i fondacijama) iz BiH da podnesu prijedloge projekata usmjerenih na borbu protiv korupcije, s fokusom na rješavanje konkretnih problema identifikovanih na lokalnom nivou ili zagovaračkih inicijativa usmjerenih ka višim nivoima vlasti.

Od aplikanata se traži da dostave ispunjenu aplikacionu formu, te ostale aplikacijom zahtijevane dokumente i to isključivo putem on-line platforme za apliciranje dostupne na linku:

<http://tender.protivkorupcije.ba/>

MLADI ŽELE

VALIDNE I PRIZNATE DIPLOME!



U Bosni i Hercegovini djeluje više od 40 visokoškolskih ustanova koje funkcionišu u 12 obrazovnih sistema, a mladi koji se obrazuju žele da diplome koje steknu budu priznate kako kod nas tako i u svijetu. Pripremna istraživanja i analiza su pokazali da postoje visokoškolske ustanove koje, iako nemaju validne licence i akreditacije, bez ikakvih sankcija izdaju diplome studentima, direktno ugrožavajući njihov položaj i prava na tržištu rada. Neformalna grupa studenata, okupljena oko problema nelegalnog rada visokoškolskih ustanova u Republici Srpskoj i izdavanja diploma od strane nelicenciranih i neakreditovanih ustanova bori se za rješavanje ovog problema.




„Da li ideš na fakultet koji je akreditovan, priznat i izdaje validne diplome; Šta će biti nakon završetka studija; Da li će neko priznati tvoju diplomu; samo su neka od pitanja kojima studenti vode svoju online kampanju.

MLADI ŽELE PRIZNATE I VALIDNE DIPLOME



„Generalni problem su diplome - studenti trpe ogromne posljedice jer po završetku studija ne mogu ostvariti svoja prava na tržištu rada, a uložili su mnogo truda, sredstava i vremena“,

Danijela Nikolić, studentica.

-  Neformalna grupa građana “ Licencirane i akreditovane visokoškolske ustanove - validne i priznate diplome “
-  Doboj
-  Licencirane i akreditovane visokoškolske ustanove - validne diplome



„Ovo znači da ćemo se morati iseliti ovdje, kada ne bude rijeke i ovog korita, kad ne budemo imali vodenice, mi nemamo šta više ovdje raditi“,





Miloš Vujičić, mještanin i vlasnik vodenice na rijeci Bjelava.

Udruženje građana „Bjelava“, te neformalnu grupu građana Sačuvajmo rijeke Foče osnovali su građani Foče kako bi započeli borbu protiv izgradnje mHE na rijekama Bjelava, Velika i Mala Bjelava. U jeku pandemije koronavirusa, u martu 2020. godine, preduzeće „Srbinjeputevi“ započelo je pripremne radove na izgradnji dvije male hidroelektrane na rijekama Bjelava i Mala Bjelava na području opštine Foča, iako je tek nakon mjesec dana dobijena zvanična dozvola za početak radova na terenu.

Nezadovoljni i zabrinuti građani su odmah prijavili nadležnima u lokalnoj zajednici da su započeti građevinski radovi te tražili inspeksijski nadzor. Tek nakon što su građani organizovali proteste, čime su na kratko zaustavili radove, inspekcija je izašla na teren, i to po prijavi Centra za životnu sredinu.

Ministarstvo energetike i rudarstva Republike Srpske je 29. aprila izdalo rješenje investitoru kojim se odobrava izvođenje detaljnih geoloških istraživanja, 30. aprila je inspektor izašao na teren, a radovi su započeti već sredinom marta. Na upit Centra za životnu sredinu, inspekcija je odgovorila da preduzeće „Srbinjeputevi“ obavlja “pripremne radove za potrebe vršenja istražnih radnji, odnosno geoloških ispitivanja sastava tla za potrebe projektovanja i izgradnje planiranih mini hidrocentrala”.

Centar za životnu sredinu je, u ime Koalicije za zaštitu rijeka BiH, podnio krivičnu prijavu protiv osumnjičenog privrednog subjekta, jer je u odgovoru Ministarstva za prostorno uređenje, građevinarstvo i ekologiju RS potvrđeno da nije pokrenut upravni postupak za izdavanje potrebnih dozvola za gradnju malih hidroelektrana na ovim rijekama.

-  Udruženje građana „Bjelava“, Foča
-  Foča
-  ugbjelava@gmail.com
-  SacuvajmoRijekeFoce; ugbjelava

NAŠE RIJEKE, NAŠE PRAVO NA OPSTANAK





Neformalna grupa građana pod nazivom „Odbranimo rijeke Višegrada“ se početkom 2020. godine okupila sa ciljem očuvanja rijeka i sprječavanja gradnje malih hidroelektrana. Prvi slučaj je nastao nakon što je Vlada RS krajem 2019. godine donijela odluku o pokretanju postupka za dodjelu koncesije za izgradnju malih hidroelektrana Crni i Bijeli Rzav u Mjesnoj zajednici (MZ) Vardište. Građani se protive ovoj odluci jer je rijeka Rzav prirodno stanište potočne pastrmke i prirodna oaza mira i spokoja, naročito u ljetnjim mjesecima. Drugi slučaj na kojem radi grupa građana se odnosi na izgradnju mHE na rijeci Jablanica, opština Višegrad. Prema saznanjima građana, za ovu mHE su ishodovane sve potrebne dozvole (osim upotrebne) ali je proces izdavanja dozvola upitan. Građani nikad nisu bili informisani o ovom slučaju te sumnjaju na transparentnost procedure i aktivno uključivanja lokalne zajednice u proces donošenja odluka o izdavanju dozvola, kao što je javna rasprava za koju se ne zna da li je održana. Zakon o lokalnoj samoupravi RS i Zakon o zaštiti životne sredine RS koji u čl.10. kaže da svaki građanin i organizacija moraju imati odgovarajući pristup informacijama koje se odnose na životnu sredinu, a kojim raspolažu organi uprave, kao i mogućnost učešća u procesu donošenja odluka.

ODBRANIMO RIJEKE VIŠEGRADA



*„Polako sve nas čeka isti scenario sa problemima u vodosnabdijevanju ako se ne probudimo protiv zla zvanog #mhe“,
Đorđe Lazović, mještatinin.*

Cilj inicijative je spriječiti izgradnje mHE na rijekama Rzav i Jablanica na području opštine Višegrad, jer su suprotne volji većine građana opštine Višegrad, stručne javnosti i ekoloških aktivista, te pogoduju primarno investitoru i, potencijalno, interesu pojedinaca koji su im omogućili ovaj posao.



Neformalna grupa građana „Odbranimo rijeke Višegrada“



Višegrad



Odbranimo rijeke Višegrada

12 neprofitnih organizacija, okupljenih u neformalnu grupu "Za transparentno finansiranje neprofitnih organizacija iz budžeta Brčko distrikta" bore se za povećanje transparentnosti, a smanjenje korupcije i zloupotrebe javnih sredstava u procesu finansiranja neprofitnih organizacija u Distriktu.

Cilj neformalne grupe je uključiti nevladine organizacije u proces donošenja javnih politika koje će regulisati ovu oblast. Dugoročni cilj je razvoj transparentnog sistema dodjeljivanja sredstava za nevladine organizacije i udruženja građana Brčko Distrikta i izrada metodologije praćenja utroška tih sredstava i realizacije projekata finansiranih dodijeljenim sredstvima.



Provedene analize pokazale su da cijeli proces dodjele budžetskih sredstava nevladinim organizacijama, u Brčko distriktu, prati više različitih nepravilnosti. Najprije, sredstava se dodjeljuju bez jasno uspostavljenih kriterija, bez plana aktivnosti ili je taj plan bez bilo kakvih obrazloženja o utrošku novca, a organizacije ne moraju priložiti ni propisane obrasce za dodjelu sredstava.

Budžet Brčko Distrikta BiH je usvojen za 2020. godinu na iznos 261.739.993 KM, od čega je za neprofitne organizacije planirano 8.370.594 KM. Struktura planirane raspodjele sredstava za neprofitne organizacije:

KOME IDE NOVAC GRAĐANA

"Mora se stati u kraj malverzacijama i manipulacijama - postoje fantomska udruženja koja naš novac zbog ko zna kakvih interesa iskorištavaju",

Davor Simikić,
Udruženje Turistička zajednica Brčko Distrikta BiH



Grupa neprofitnih organizacija Brčko distrikta zainteresovanih za transparentniju raspodjelu i trošenje novca iz budžeta organizovali su i javnu debatu o finansiranju neprofitnih organizacija u Distriktu te info štand na kome su aktivisti nevladinih organizacija građanima dijelili letke sa informacijama o načinima dodjele novca neprofitnim organizacijama i mogućnostima poboljšanja propisa.



Neformalne grupe "Za transparentno finansiranje neprofitnih organizacija iz budžeta Brčko distrikta"



Brčko



GrantoviNVOBrckoDistrikt

Korupcija nije problem pojedinca!!!

Grupa ste građana koja se suočava sa korupcijom u vašoj zajednici i zbog toga ne možete da ostvarite pravo koje pripada vama ili širem krugu ljudi?

Trpíte posljedice loših odluka donesenih usljed zloupotrebe položaja ovlaštenih lica ili nezakonitog postupanja vlasti?

Kontaktirajte nas u cilju dobijanja podrške vašim inicijativama u borbi protiv korupcije

063 396 536

protivkorupcije@ccibh.org

PROJEKTI VOĐENJA GRAĐANSKIH INICIJATIVA I KAMPANJA U OBLASTI BORBE PROTIV KORUPCIJE

CCI je u okviru javnog poziva za projekte vođenja građanskih inicijativa i kampanja u oblasti borbe protiv korupcije odabrao 13 organizacija/udruženja koje su započele realizaciju planiranih aktivnosti.

BIRN BIH pokrenuo je projekat „Transparentnošću protiv korupcije u pravosuđu“ kojim želi da utiče na povećanje dostupnosti informacija o korupciji unutar pravosuđa. Zalažući se za veću transparentnost rada pravosudnih institucija, cilj projekta je smanjenje stepena korupcije u pravosuđu u Bosni i Hercegovini.

Udruženje „Ja bih u BiH“ započelo je kampanju „Bez štele i pošteno“ kako bi pružili podršku većem broju građanskih inicijativa, posebno mladih u razbijanju ustaljenog vjerovanja da je korupcija dio DNK-a bosanskohercegovačkog društva te kako bi pozvali na aktivnije građansko djelovanje u konkretnim oblastima i konkretnim slučajevima korupcije.

Unija Udruženja poslodavaca Republike Srpske započelo je kampanju pod nazivom „Smanjenje koruptivnih rizika u radu inspeksijskih službi u RS“ sa ciljem smanjenja mogućnosti za koruptivne radnje tokom inspeksijskog nadzora preduzeća u Republici Srpskoj. Ovom kampanjom se želi doprinijeti smanjenju motivacije inspektora za zloupotrebu diskrecionih prava odlučivanja kojima raspolažu tokom provođenja inspeksijskog nadzora nad preduzećima.

Udruženje poslodavaca u Federaciji BiH će se u sklopu svog projekta „Poslovanje bez korupcije“ boriti za smanjenje prostora za koruptivne radnje nosilaca izvršne i zakonodavne vlasti te izloženosti poslodavaca korupciji kako bi se stvorili preduslovi za fer tržišnu utakmicu i poboljšanje poslovnog ambijenta u bh. društvu. Implementacijom planiranih projektnih aktivnosti Udruženje poslodavaca Federacije BiH će uključiti svoje članstvo u aktivnu borbu protiv korupcije koja je do sada bila marginalnog karaktera.

Helsinški odbor za ljudska prava pokrenuo je kampanju „Transparentno javno zapošljavanje – javni interes u borbi protiv korupcije u BiH“ kako bi doprinijeli prevenciji i smanjenju nivoa percipirane korupcije prilikom zapošljavanja u javnim ustanovama i javnim preduzećima na području šest kantona (Posavskog kantona, Tuzlanskog kantona, Bosansko-podrinjskog kantona, Srednjobosanskog kantona, Unsko-sanskog kantona i Zapadnohercegovačkog kantona) kroz kreiranje i primjenu anikoruptivnih mjera i mehanizama.

Udruženje profesionalaca, trenera i službenika za javne nabavke u BiH pokrenulo je kampanju „Kroz zdravije javne nabavke do smanjenja korupcije u zdravstvu“ sa ciljem unaprijeđenja internih akata iz oblasti javnih nabavki za 5 zdravstvenih ustanova/ugovornih organa na teritoriji Kantona Sarajevo i Sarajevsko-romanijske regije. Naime, borba protiv korupcije u zdravstvenim ustanovama nerazdvojiva je od borbe protiv korupcije u sistemu javnih nabavki zdravstvenih ustanova.

Udruženje „Baby Steps“ je započelo projekat „Borba protiv korupcije u porodilištima“ sa ciljem smanjenja stope korupcije u bh. porodilištima. Naime, veliki problem bh. zdravstvenog sistema, uključujući i porodilišta, je korupcija. Projektom se želi smanjiti korupcija u porodilištima pomoću identifikovanja postojeće antikorupcione legislative i mehanizama koju sprovode ministarstva zdravstva i porodilišta te identifikovanja trenutnih praksi korupcije u bh. porodilištima.

Udruženje građana RS "STOP MOBBING" započelo je projekat „Osiguranje pristupa pravdi za prijavitelje korupcije u zdravstvu kroz uspostavljanje mreže za podršku na regiji Istočne Hercegovine” kako bi unaprijedili pristup pravdi za prijavitelje korupcije kroz pružanje blagovremene multidisciplinarne podrške kod prijave korupcije. Naime, mali je broj građana koji prijavljuju korupciju u zdravstvu, jer postojeća zakonska regulative u istu ravan stavlja i one koji primaju mito i one koje ga daju.

Udruženje građana “Ženski interaktivni ruralni centar” pokrenulo je projekat “Prevenција korupcije u zdravstvenom sistemu Bosne i Hercegovine” kako bi se smanjio nivo korupcije u zdravstvenom sistemu ustanova iz sarajevsko-romanijske regije putem uspostavljanja jednoobraznog sistema prijave korupcije i izmjena i dopuna postojećih pravilnika i propisa.

Udruženje građana “Tolerancijom protiv različitosti” (ToPeeR) pokrenulo je kampanju “Unapređenje devastiranog zdravstvenog sistema” sa ciljem da se identifikuje nivo korupcije u zdravstvu koja je rezultat pogrešne percepcije ličnih darova medicinskom osoblju. Projekat treba da ukaže na oblike korupcije u zdravstvu kao i da kroz određene aktivnosti doprinese da se ukaže na negativne posljedice mita i različitih provizija, kliničkih i sličnih “istraživanja” u korist farmaceutskih kompanija te preporuka dodatnih testova i ispitivanja pacijenata u privatnim klinikama bez stvarne potrebe

Građani Doboja, okupljeni u organizaciju Centar za humanu politiku, pokrenuli su kampanju borbe protiv koruptivnih radnji i interesa koji dovode do ugroženosti Doboja od poplava pod nazivom „Da se ne ponovi maj 2014.“

Omladinski centar Vermont iz Brčko distrikta pokrenuo je kampanju „Transparentno do jakog poljoprivrednika“ sa ciljem izrade transparentnije i pravednije raspodjele sredstava namijenjenih podsticajima u poljoprivredi za sve poljoprivrednike Brčko distrikta. Naime, fokus projekta je na donošenju prijedloga novih mehanizama za procjenu i dodjelu podsticaja poljoprivrednicima koji će unaprijediti samu proceduru.


Udruženje građana Restart Srpska započelo je kampanju „Konkursom do posla!“ za rješavanje problema nedostatka konkursnih procedura prilikom zapošljavanja u javnim preduzećima, fondovima, javnim ustanovama i pojedinim javnim institucijama u Republici Srpskoj. Naime, s obzirom na činjenicu da prema zakonskim odredbama javna preduzeća, fondovi, ustanove te pojedine institucije u RS-u nisu obavezne da raspisuju javne konkurse prilikom prijema radnika, omogućen je ogroman prostor za korupciju i nepotizam u ovom sektoru.



GRADANI U AKCIJI

- Podstaj radionice - zajednički rad...**
Mojstva za unapređenje procedure ispitivanja...
- Dokumentovani devetnaest mjeseci prije...**
Mojstva za transparentnu i korumpovnu...
- Prvi put u lokalnoj zajednici...**
Mojstva za sprečavanje zloupotreba javnih...
- Prvi put u lokalnoj zajednici...**
Mojstva protiv odlaganja otpada i...
- Prvi put u lokalnoj zajednici...**
Mojstva protiv iznajmljivanja...

NOVOSTI



ANTIKORUPCIJA

Web portal antikorupcija.info ima za cilj da aktivira i motivira građane/ke da se pridruže u borbi protiv korupcije, prvenstveno kroz širenje informacija o borbi protiv korupcije, pozivanja na akciju, široko promovisanje uspješnih priča i slično.

Web portal ima odvojeni segment pod nazivom Građani u akciji, u kojem je medijski prostor dat građanskim grupama koje se bore protiv korupcije i neregularnostima u njihovoj lokalnoj zajednici te problemima inicijativa. U okviru tog segmenta navedene su aktivne kampanje kojima podršku pruža CCI te su objašnjeni problemi svake grupe i navedene Facebook stranice putem kojih se može pratiti njihov rad. Putem tog segmenta na portalu se objavljuju sve aktuelnosti o grupama, sva dešavanja u vezi sa rješavanjem problema.

Osim toga, još jedan odvojeni segment je Podrška u borbi putem koje je omogućeno pružanje podrške neformalnim grupama kroz potpisivanje online peticija itd.

U svim segmentima, fokus je stavljen na aktualiziranje problema korupcije u Bosni i Hercegovini te u regiji i svijetu kao i na pružanje podrške svim građanima koji se organizovano bore protiv korupcije u lokalnoj zajednici.

Ukoliko želite da prvi imate informacije o svim koruptivnim dešavanjima u Bosni i Hercegovini, regiji i svijetu pravo mjesto za Vas je portal antikorupcija.info, online prostor gdje se afirmišu svi oni hrabri ljudi koji se bore protiv korupcije.

Na portalu se nalaze segmenti Vijesti, U fokusu, Intervjui, Komentari i analize, Regija i svijet, Podcast, Podsjećanja i Lični stav.



MONITORING JAVNIH NABAVKI

100 RESPIRATORA 10,5 MILIONA KM

TI BiH, CRMA i Mreža NVO (koju čine 5 organizacija) su pored redovnog praćenja javnih nabavki poseban akcenat stavili na nabavke koje javne institucije provode u uslovima epidemije COVID 19, kako bi se identifikovale zloupotrebe i svrsishodnosti javne potrošnje i nabavki u uslovima epidemije.

Efektivni i kontinuirani monitoring je rezultirao praćenjem 135 ugovornih

organa, odnosno 1715 postupaka javnih nabavki ukupne vrijednosti 24,6 miliona KM bez PDV-a.

Ovaj rezultat obuhvata i javne nabavke specifično targetiranih zdravstvenih ustanova i institucija širom BiH (klinički centri, bolnice, instituti za javno zdravstvo, zdravstveni zavodi) koje su provođene zbog epidemije COVID-19.

** Rezultati se odnose na period april-juni 2020. godine*

27 prijava Agenciji za javne nabavke BiH zbog nepravilne primjene Zakona o javnim nabavkama.

CRMA je održala trening o metodologiji provođenja monitoringa javnih nabavki za sve članice monitoring mreže te nevladine organizacije koje koriste grant sredstva dobijena od Udruženja CRMA – Fondacija Centar za zastupanje građanskih interesa (CPI), Centar za razvoj omladinskog aktivizma (CROA), Udruženje KAM, Udruženje Aktiv 33, Udruženje profesionalaca, trenera i službenika za javne nabavke BiH (UPTIS)



ZLOUPOTREBA JAVNIH SREDSTAVA U IZBORNIM KAMPANJAMA

ODAKLE STIŽU DONACIJE ZA STRANKE U BIH?

Transparency International (TI) je uputio prijavu Centralnoj izbornoj komisiji povodom donacija političkim partijama iz zabranjenih izvora. Naime, podnesena je prijava protiv Stranke demokratske akcije i Platforme za progres zbog donacija pravnih lica koja su zaključivala ugovore o javnim nabavkama sa organima izvršne vlasti, a čiji iznos prelazi 10.000,00 KM, čime su prekršile Zakon o finansiranju političkih partija.

Također, podnesena je prijava protiv Mirsada Hadžikadića koji je kao fizičko lice uplatio stranci Platforma za progres više nego duplo zakonom dozvoljenog iznosa.

Dodatno, TI BiH je zahtijevao od Centralne izborne komisije da utvrdi porijeklo potraživanja firmi Analytics Expert i Promotiv d.o.o. iz Širokog Brijega prema SPD-u, te iznos koji je SNSD isplatio dobavljačima za izgradnju zgrade u Banjaluci.

Uspostavljena mreža od 70 posmatrača za monitoring zloupotrebe javnih sredstava tokom predizborne kampanje.

Zaštita zviždača

Povodom Međunarodnog dana zviždača, 23.juna, Transparency International BiH je proslijedio je apel na adrese predsjednika klubova Doma naroda Federacije BiH koji već dvije godine blokiraju usvajanje Zakona o zaštiti prijavitelja korupcije FBiH da konačno usvoje ovaj zakon. Zajedno sa zahtjevom upućenom predsjednicima klubova Doma naroda FBiH proslijeđen je i nacrt Zakona o zaštiti prijavitelaca korupcije u FBiH.

Transparency International BiH pozvao je da se zakon što prije usvoji, jer je Federacija BiH jedini nivo vlasti u državi koji nije zakonski zaštitio prijavitelje korupcije. Rješavanje ovog

problema jedan je od 14 ključnih prioriteta u Mišljenju Europske komisije o aplikaciji Bosne i Hercegovine za članstvo u Europskoj uniji.

Osim toga tokom juna Transparency International BiH je poslao Ministarstvu pravde Republike Srpske prijedlog za unaprjeđenje Zakona o zaštiti lica koja prijavljuju korupciju u RS jer su u primjeni ovog zakona uočeni nedostaci koji se tiču zaštite zviždača. TI BiH je predložio produženje sudskih rokova kod tužbe, produženje roka kod revizije i uvođenje istražnog načela koje bi ojačalo položaj zviždača u sudskom postupku



INTERNACIONAL DE TRANSPARENCIA
TRANSPARENCY INTERNATIONAL BIH

**PRIJAVI
KORUPCIJU**

— HOTLINE PRIJAVE KORUCCI —

0800 55 555

INTERNACIONAL DE TRANSPARENCIA
TRANSPARENCY INTERNATIONAL BIH

ICCJ UNAMIT

Na osnovu prijava građana, Transparency International je pokrenuo 50 slučajeva, te reagovao prema različitim institucijama u Bosni i Hercegovini želeći da osigura prava građana i ukaže na pojedinačne slučajeve korupcije.

Građani mogu anonimno prijaviti korupciju putem besplatne linije 0800 55555 ili e-mail adrese centar@ti-bih.org.



Podržano:



USAID
OD AMERIČKOG NARODA

Ova publikacija omogućena je uz podršku američkog naroda putem Američke agencije za međunarodni razvoj (USAID).

Sadržaj ove publikacije je isključiva odgovornost Centara civilnih inicijativa(CCI) i ne mora nužno odražavati stavove USAID-a ili Vlade Sjedinjenih Američkih Država.